



## SAOPŠTENJE ZA JAVNOST

### **Određen pritvor Elvisu Kafedžiću zbog osnovane sumnje u izvršenje krivičnog djela Nasilja u porodici**

(Brčko, 12.02.2026. godine)

Na prijedlog Tužilaštva Brčko distrikta BiH, Osnovni sud Brčko distrikta BiH odredio je pritvor Elvisu Kafedžiću (46)\* iz Brčko distrikta BiH, zbog postojanja osnovane sumnje da je izvršio krivično djelo "Nasilje u porodici".

Osnovni sud Brčko distrikta BiH utvrdio je da su ispunjeni uslovi iz člana 132. stav 1. tačka c) Zakona o krivičnom postupku Brčko distrikta BiH, pa je licu Elvisu Kafedžiću ponovo odredio jednomjesečni pritvor zbog postojanja naročitih okolnosti koji opravdavaju bojazan da bi osumnjičeni ukoliko bude boravio na slobodi mogao ponoviti krivično djelo, a za to krivično djelo se može izreći kazna zatvora tri godine ili teža kazna.

Naime, dana 05. i 06. februara 2026. godine, osumnjičeni Kafedžić je nakon što je izašao iz pritvorske jedinice KPZ-a Bijeljina ponovo svjestan da nasiljem drskim i bezobzirnim ponašanjem ugrožava mir, tjelesni integritet i duševno zdravlje, a što je i htio, članu porodice s kojim živi u zajedničkom domaćinstvu nanio lake tjelesne povrede i prouzrokovao osjećaj straha za sopstvenu bezbjednost.

Treba naglasiti da se u konkretnom slučaju radi o višestrukom specijalnom povratniku u izvršenju krivičnog djela „Nasilja u porodici“, obzirom da je u vremenskom periodu od 11 mjeseci već dva puta osuđen zbog izvršenog navedenog krivičnog djela, ali i drugih teških krivičnih djela kako na prostoru Brčko distrikta BiH tako i na prostoru Evropske unije.

U daljem toku istrage, Tužilaštvo Brčko distrikta BiH će nastaviti poduzimati sve raspoložive istražne mjere i radnje u cilju utvrđivanja svih važnih činjenica za opisani događaj i daljeg procesuiranja odgovornog lica.

\*\*Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.\*\*

**ZAMJENIK  
GLAVNOG TUŽIOCA  
VLADIMIR TEPAVČEVIĆ**